



DEO OPTIMO MAX.

UNI ET TRINO,

VIRGINI DEIPARÆ, ET S. LUCE

Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS,
*manè discutienda in Scholis Medicorum die Martis decimâ quartâ
Martii M. DCC. XLI.*

M. LUDOVICO LEMERY, Medico Regis Ordinario, Regiæque Scientiarum Academiæ Socio, & in Horto Regio Chymix Professore, Doctore Medico, Præfide.

An aulicis mulieribus sanitas firmiter ab Equestri Venatione?

I.



IVERSARUM corporis functionum integritas, sanitas est, quæ in aulicis mulieribus firmiter evadit, dummodò membra quælibet suas obeant actiones egregiè, dummodò legitimis adit rerum nonnaturalium, potissimumque exercitiorum usus; horum enim ope, corpus lese superfluis exonerat, regia sternitur via humoribus qui distribuuntur pro nutritione, aperiantur capillarum tubuli ad excipiendos spiritus ad vitam, ad motum, sensus, animæ-

A

que impetus idoneos. Eodem sed inefficaciori modo parva faver exercitatio senibus, puerisve conveniens, vel à prægresso morbo recens relevatis; ut sunt curulis vectatio, gestatio in Sellâ, navigatio. At valens vehemensque exercitatio quæ nervis & omni perficitur musculorum nisu, annexamque habet cum agilitate velocitatem, & robur, ut Lucta, Castus, hoplomachia, laboriosa Rusticanorum vita inducunt *Polyfarchiam*, lacertis addunt vires. & ad præmia in certaminibus promerenda homines reddunt corpore valentiores. Quæ verò Glirium vitam vivunt aulicæ, quas sola fatigat desidia, quæque totæ in talis & aleæ, excrementorum proventus, quem noluit mediocri exercitatione repurgare, meritis cruciantur; illæ, inquam Medicos frustra consulunt pro imperandâ aëris salubritate, cibi potusque ordine, mensurâ & usu definiendis: frustra somnus & vigiliæ acceptissimâ vicissitudine suas implent horas, incassum animi pathemata ad rationis normam inflectuntur, nisi ea quæ servari mos est, aut excerni debent, ex naturæ votis se habeant. Hæc autem ab exercitio mediocri expectanda sunt. accedet tunc robustum quid visceribus, firmaque corpori constitutio.

I I.

EXERCITATIO partim animi, partim corporis peracta motu, quæ versatur in Piscibus, Avibus, aut Quadrupedibus, vi, dolove capiendis, venatio est. Prima ob hami tarditatem, aquarum tedium & injurias causaria, mancipis ut plurimum fuit derelicta. Accipitraria plus placet, nec optimatibus indigna videretur, si sana magis, aut minus esset plena servitutis; tertia deum omni cognita sæculo nullis prohibita legibus & nobilior, quadrupedes canibus insectatur & armis, sive pedestris illa sit, sive fiat veredo vel Asturcone. Hæc casta voluptas aulæ, ingenium acuit & sensus, capitis languores tollit, pectoris curat morbos, viscera reddit defœcatoriâ, & parit cum agilitate coloratam faciem. Aulicæ mulieres in crastinum venaturæ accersunt loricæ ministram canis, rogant an coegerit Cervum, an excrementis aut vestigiis annos distinxerit & sexum, dein ad conventum & frugale sub herbâ prandium designant loca, atque ubi subsidiariis canibus & equis opportuniore selegerunt, prostrata sopore membra componunt lecto, ex quo Venationis impatientes ante Gallicinium surgunt, luminibus accensis solis moram castigantibus. Interim in futuræ oblectationis speciem omnia disponuntur; jam incondito marmure servorum huc illuc ad officia properantium, canum latratibus, & tubarum clangore personat tota domus, junguntur gemelli canes, Venatrices ocreantur, quæ sub cyclade breviori feminalia subdunt, ut si fortè cadant equo, cura maneat casti decus servare pudoris; sagum induunt muicæ ardens, & bracteis inter punctum argenteis, attalicæ vestis fluentes sinus attolunt, aurî fibula, lata fascia cingit Lumbos, quos pendulum ex. lonâ buccinum suppalpatur blande; collecti taniis in tutulum crines galerum excipiunt induram divitiis, ardeæ & struthiocamelî insignem plumis. Nec injuriâ superbum cordis tumorem placens ornatus levat, proximâque Venationis lætiâ saliens corpus; nullo adjuvante, conscendunt equos, masculâ sessione mentiantur sexum, clamore simul & lituo Cervam insequuntur fugientem, notant hallucinationem canum, & cautè adventitii hinuli cum vero Cervo currentis, eludant frustrationem, dumque silvas canibus quatunt & utroque calcari vedos urgent, habent aliquid quod hyppolitus invideret.

CERVORUM ex Equis Venatio res sanè regia, magnum belli tyrocinium est, ab eà quippe ut filii Heroum animo fortes, alterno fraudis, virtutis & excubiarum motu bellicosiores fiunt; sic & Heroinæ, nullo timoris Pharmaco, solâ sed periculorum assuetudine evadunt animosiores. Cùm ad fines suos properat Cervus, ore nigro est, in genua procumbit, lacrymis nil ultra vitam quam non exorat rogaturus, pudibundâ sorte perit, tuncque ener-vati corporis animosum quatiens caput obvios canes eviscerat, circumstantium Equorum stragem facit & Venantibus minatur exitium; at Venatrix præsentî discrimine generosior facta, aperto decertat Marte, fallit desperatam feritatem & astu jugulat, sic dolo, sic virtute Belluam superat scœmina, & dolus an virtus, quis in hoste requirat? Interim aliæ ad mortem Cervi intrepido vultu convenientes, omnes si non Dianæ, saltem credi possent, si aut arcum tene-rent manu, aut gremio Endymionem. Nec morâ amputato anteriore pede & dextro ejus fera, quam ultro ad dilacerationem destinant, petita prædâ, suâ victoriâ ovariantes & famelicæ redeunt domum, præteritorumque historiâ longioris itineris fastidia consumunt. Et postquam naturæ lapsus, intemperiei vi-tia, & errores in victûs ratione commissos Equestri Venatione deleverunt, exhaustos diurno motu spiritus deperditamque substantiam cœnâ reficiunt lau-tiori, quæ eò magis sana erit quò antè iverit largius exercitium; ab eo enim profundiores obrepunt somni, felicior sequitur concoctio, perficitur nutritio; non ergo mirum si unaquæque Venatrix sibi sit *Iatralipta*, & crimen putet. Medico indigere:

I V.

URBANÆ contrâ molliôres, ad perpetuam Medicorum opem suspirant, pro iis cicurandis ægritudinibus quas movit vesana satietas torpentis vitæ. Morbi cause si deficient, nimia suppeditat felicitas, nec mirum si ex optimi succi alimentis multumque nutrientibus, eam sibi maciem inducant quæ de-nudat ossa, & pitiscando cibos delicatiores, quos, Cupedinarius ad linguæ delicias & palati saporem coxit, sibi sorbeant materiam morborum, illiusque palloris quem mortuos deceret, si ambularent. Quapropter medentium tam in explendo quam in vacuando par est labor; & dementes ut sunt, posito pu-dore corpus aperiunt alternatim excrementis, medicaminibus, alimento. Aliæ quas ingeniosâ gula saginavit, & otium multâ pinguedine obrutum corpus ægrè trahunt, ambitiosiusque eduliorum varietate & apparatu factæ præpingues, Epi-curi de grege porcæ, commellationum palpamenta tuburcinando quæ crustu-larius instruxit, viscera incrassant, spreitisque ingenuarum exercitiis, solam quam norunt lecti & cubiculi colunt amicitiam. Intereâ luduntur stultissimæ fallaci-bus aegyptiarum consiliis qui cubanti luxuriæ patrocinantes, putatitios deliran-tium affectus malis artibus curant, aut pollicitatione fictitiâ; frequentiori Phle-botomiâ inanes sanguine venas crudis rotundant succis, & forsan vacuum in-tempestivâ purgatione ventrem, amygdalatis, hordeatis, avenaceis implent. & similibus quæ circulatorum infidelitas ad invalerudinem, morbos prorogandos, excogitavit. Hæc quippe singula ventriculo faciunt negotium; fibras laxant, infringunt robur, viscera impediunt obstructionibus, illuvie turpissimâ sar-ciunt quam victûs intemperantia toto corpore sparsit. An non mulieris otiosæ:

mens corpusque alimentorum satietate obtunduntur? His superandis sat essent corporis exercitia, aut si saperent inedia.

V.

CUM homo comedens sanus esse nequeat nisi plurimum exerceatur, si-
que sanitatis tutela, non satiari cibis, & impigrum esse ad laborem, sic
ut aulicæ Venatrices inter quietem & motum nullum non dividere debeant
diem. Illæ ab origine invalidiores, & pro sexus temperamento humidiores &
subfrigida, Equestri se se exerceant Venationi, ut sanitas firmior enascatur &
blandi sensus causa procreetur; omnis quippe naturalis inanitio inducit voluptatem
quam intensiorem reddit legitima exercitiorum in Venatione series, in quâ motus
incipiunt à levioribus, & progrediuntur ad celeriores, paulatimque ad remis-
sos deveniunt; inde firmantur membra, superfluorum excernuntur reliquæ, à
quibus antea penè suffocatus reviviscit nativus calor, maxime si pro modulo
virium innatâ corporis temperie, & probatâ consuetudine imperentur. An non
toto Venationis tempore amœna locorum varietas oculos pascit? Ipsa aëris li-
berè spiratî salubritas corpus recreat universum, mulcentur aures tubæ sonitu,
vociferatione expurgantur respirationis instrumenta, viscera Equitatione con-
cussa ad secessum disponunt quæcumque vesicâ intestinis & utero nidulantur.
Quid plura? Dum Venationi student aulicæ, rusticarum laborem, & urbana-
rum inertiam tempestivâ effugiunt exercitatione, succos minuunt exuberantes,
somnia conciliant sibi salubres, accelerant ciborum coctionem, superfluitates
absunt, bonum corporis habitum servant, fecundiores fiunt, sensus atque
animi vigorem assequuntur, ad bellica se exercent, periculis sibi parant au-
daciâ, morantur senectutem.

Ergò aulicis mulieribus sanitas firmior ab Equestri Venatione.

Proponebat Parisiis. ABRAHAMUS-FRANCISCUS LEO
COL DE VILARS, Inculisemensis, Baccalaureus Medicus,
A.R.S.H. 1741, à sextâ ad meridiem.